

校刊目經大成

目經大成目錄

卷二下

癰核三

創號三十六

皮急三

臉驚三十八

地傾三十九

移淚不禁四十

氣喘枯落四十一

黑白通四十二

氣脹四十三

血翳包睛四十四

火天奪目四十五

流金凌木四十六

天水昏黃四十七

迎風落淚四十八

無時淚下四十九

瞳神散大五十

瞳神縮小五十一

近視五十二

遠視五十三

神水變色五十四

神氣枯瘁五十五

陰風障五十六

內障五十七

時復五十八

逆順障五十九

混睛障六十

浮萍障六十一

黑翳如珠六十二

物損真睛六十三

飛塵眯目六十四

臉廢六十五

風引喎斜六十六

睛凸六十七

疔翳六十八

氣翳六十九

暴盲七十

偃月障七十一

瞳神欹側七十二

天旋七十三

陰陽闔七十四

永壺秋月七十五

虛潭星月七十六

醺螺出殼七十七

劍橫秋水七十八

瑪瑙內傷七十九

青盲八十

五風變八十一

似因非症

怕熱羞明

乾澀昏花

目痛

目癢

視惑

妄見

三
卷之六

電光夜照

印暈

校刊目經大成卷之二下

平昌慎齋魏定國鑒定

盧汀不塵子黃庭鏡燕臺氏筆乘

上邑族弟香泉必智學源叅閱

男鉏非在田省畊原訂

孫玉峰瑛懷校刊

門人胡鵬南騰霄

受業

族叔文標庭樹同校

痰核三十五

痰核痰核濕熱而般蒸結煖紅新剝雞頭風疥破爲血流流血流血胡亂清平不得

此症良廊内生一核大如芡實按之堅而不痛只外觀不雅間亦有生於下賤者蓋食火痰飲醞釀而成爲治翻轉眼胞必有形跡一圓一點色紫或黃就於此中投針盡法刮奪擠盡膿液碾清氣化痰丸淡姜薄酒調一兩徐徐呷之刻日平復如初若以無別苦不治無得恣啖熱物則火愈燥人而附贅垂疣變爲重痰經年潰腐不痊語曰涓涓不澍將成江河此之

謂也。

原案

邑庠某年六十。體肥善飲。秋時上臉得一核。絕不經意。明年春其核自破。色紅紫微疼。或按瑤圃用清胃散結等湯。十數劑稍痊。彌月復發。復投核漸大。狀如荔枝。外胞綻開。日夜流血不止。遂束手無策。卒而亡。世愚意。舉人必勞心。癖酒一定有色。心勞者神慢。過飲則脾胃受傷。濁氣上蒸。故核大而破。加以入房太甚。水木俱憊矣。水竭火盈。致血妄行而不歸經。乃爾長流。此時急用烙治其標。烙已以歸脾養榮七福十補培其本。庶幾內外兩得。此人思不出此。屢以疏風降

火虛其虛而損其損氣衰痰盛之人有不速其畢命者乎。書此案以爲食古不化者警。

倒睫三十六

從來倒睫最難曉。病有根苗。症有規條。太陰。衰。老。少。陽。
驕。壞。了。脂。膏。損。了。皮。毛。翳。如。雲。霧。淚。如。潮。丹。也。徒。燒。
藥。也。空。調。知。非。手。法。不。能。療。夾。又。防。瘰。瘡。又。愁。焦。
此。症。皆。由。患。疾。妄。稱。時。眼。不。以。爲。意。或。酒。或。慾。或。風。
霜。全。不。禁。忌。致。風。邪。深。入。久。而。不。瘳。然。後。因。急。外。施。
皮。篋。弦。緊。睫。漸。拳。倒。未。免。淚。出。頻。頻。拭。擦。不。已。毛。愈。
刺。入。遂。掃。成。雪。翳。目。疾。所。有。者。皆。具。目。積。月。累。必。至。
失。明。治。雖。見。効。任。靈。藥。不。能。起。睫。睫。不。起。翳。終。不。淨。
而。淚。亦。不。止。不。得。已。用。法。夾。之。令。毛。向。外。方。妥。夾。落。

再爲調護可保無虞。若仍前繼續身子疲極一有感
冒兩目交病。病必腫。腫一次則皮鬆一次。依然還元
其功費矣。李東垣謂舉出內瞼向外速以三稜針出
熱血。以左手大指甲迎右針鋒立愈。倪仲賢亦從此
治。且曰。夾治之法。徒爲苦耳。切勿施也。但以防風蔓
荊飲決明益陰丸。搗鼻碧雲散。主之。則紫縮漸弛。寬
縱自急。李時珍言石燕磨水塗之。瞼毛自出。之三人
之法。原從烏有先生學來。今失其傳。再有教授去。奉
毛以虱子血點者。以木鱉子自然銅爲條搗鼻者。以
石灰掃落毛者。以魚膠膠紫皮者。此藥師醫瞼可直

借無是公入鄧都治鬼母矣絕倒。

夾法用老竹一片長寸許廣一分正中平破不可削去鋒先扎定一頭一頭斜側放開將患眼上皮安置其中絲線絡住教渠載開載睜仔細看真脫手毫無倒大方着力扯緊其夾外之肉碾生半夏生遠志油調厚塗則易瘻不痛血氣虛衰人不必然須看頭線縫稍鬆一髮大便過血務加縛緊不爾夾腫而潰俟七日内乾作瘻拆去夾將利剪剪落所著臉之痴切不可損動搥其自脫既脫以香膏不時於痕上擦抹久之肉色如舊藥煎竹葉石羔麥冬沙參湯上下午

計收時散三錢再則無解放日內錢決辦落後限內
有故仍如本經變理

皮急三十七

皮急小兮膏血下兮筋脉絞兮瞻視眇兮憂心情兮

此症謂上下胞漸自緊小甚則小如棗核眼將合矣
蓋膏液耗盡筋脉急縮故也若治而小者治之之過
乃皮寬睨例只夾外而失內理後則復倒復夾遂爾
肉焦血損日絡不舒而臉日急小夫既已小矣年深
日永欲令開視如常其可得乎○或謂是症無害于
觀治亦不難詎知彼目慣病粗工只見症醫症酸可
又以藥治藥致瞳子先傷然後始及外臉臉急毛卷
夾且晚矣劣手胡亂施行已可駭謬於夾上之肉用

燈火燒箇不了。勢必腫而潰爛。不待再決。眼胞實殘
毀不堪。今縱遇吾儕。惟仰天喚可奈何。奈若何已耳。
○起睫乃外治粗工。然眼目爲人身華表。必遵法從事。
除毛出夾正外。不可左高右低。更不得右大左小。於
婦女及有德名儒尤宜小心。矜慎。七日解夾。再七日
落翳。癰消跡滅。治猶未治。庶幾無忝厥職。常見市人
有三角者。有疤病牽引者。有胞肉全無。睛露驚人者。
雖貴人無知妄作。亦由耳目昏潰。不自省察之故。爲
人子不可不知。醫其斯之謂乎。

臉黑三十八

脾對青銅理鬚毛。意蕭蕭銷金帳。暖醉醺醺夢魂勞。倏忽肉輪沿際黑。如灰色。妻梅子鶴耐清操。命根牢。

此症兩目無別獎。但上下外臉煤黑。有如淡墨。滯於舊棉紙。望之若米家山水。烟雨空濛。蓋虛肥之人。肺脾稔虧。而飲食過量。未盡傳送。施化臂溝。漬所積自。然。从爲淤濁。且土金虧。則水木之邪。由中凌上。故現前象。治宜辛溫大補。如進真武湯。次三建中。次理陰煎。不令痰飲上滯。太璞還真。不必及瓜爲期。倘藥力下充。或更酒以色下。氣從財使。本病固變。斷癰決增。

望溪著以優孟衣冠公然花面顰蹙笑不成笑哭不成哭矣

此症婦人亦常見有患者。總由脾土衰憊倦於承運輸送。致寒飲熱痰不下行而上走。現斯臧跡。或人事不齊中懷鬱鬱。無時悲泣。因而木勝水侮。青斑黑點。玷汚花容。飾以金丹蓉粉。翻爲輕薄子。刻畫無益。其可哀也夫。其可惜也夫。

地傾三十九

地靡傾翻形最惡。血汗洋洋廓上攔。若使伊來驚小兒。
不須兩手下攀著。合前弦。險爛難堪。總號殘風。治無藥。
此症乃目下維。傾縮內。臉絢爛于外。有若人翻轉而
致者。蓋氣逼血。擁而又乘。以風濕。遂筋拽皮急。能下
而不能返。甚則亦爛多。肢與淚。本科呼爲殘風。風。風。痰。
好。酒人。往有患者。治亦難愈。非風。蒸得。有腫有痛。滿
胃散瀉黃散。甘露飲。治其內。砭且洗。治其外。內外兼
理。抑又不難。若輪廓已壞。病楚俱除。但照鏡自覺可
羞。殆將有事。風鑑醫無庸議。

收淚不禁四十

楊子泣遠途爲其可南北。蟹子悲練絲爲其可黃黑。稚子何所傷。開襟淚沾臆。有若哭相思。青青轉成碧。又如惜別離。溫溫不忍滴。發我杼杼思。參若作湯液。露稀金風肅。清歡逸難卽。

此症目內外輪廓無恙。但淚稠如濁酒。豆漿長流而不止也。間有臉腫緊合。強攀則激而濺出。時醫以爲膿汁。莫識所自。且小兒患此居多。無以爲治。詎知清肺理脾治之亦易耳。或問故曰肺非無爲也。主降下之令焉。凡人飲食入胃。脾氣散精。上歸於肺。肺不

其則不能通。水道。灌溉百骸。遂溢於高原。淫入皮
膚。爲腫。爲濕。加以木火上。作酸。則水凝而渾。
愈無從而滲洩。乃就其所屬。出于氣輪。曰淚。由此
言之。病固不在肝。而在脾。而在肺也。然而不
慮。恐脾肺俱困。懶於運精化氣。則神水內枯。保得長
年。日光終乎不亮。治法。小兒。身六君子。加柴胡。白芍
藥。再則去柴芍。加麥冬。五味子。服數劑。立佳。男婦用
白菊清金散。九仙丸。脉形俱虛者。歸芪六君子。補中
益氣。加附子。防風。五味。白芍。亦妙。○此症。目科。常有
諸書。無一語。講及何也。

氣輪枯落四十一

一圓徑寸突如來絕似媽紅荔剖開欲識病從何氣得地天衰老冷風摧

此症白珠紅脹長垂若舌捲下紙形惡驚人輕者臉不腫痛亦差強但眇凝枯汚睛明久已漸失身子亦漏留欲絕蓋罕見之病也懸揣其故此人資稟素虛客感臨風醫不扶正抑邪謬以散法盡處致真元削弱淹淹脹起久認作火王苦寒攻泄艮坤之士皆敗所謂欲器既滿又從而擠之而欲不覆得乎抑且并沒脾具坤靜之德而運行乾健故能使心肺之陽

降。肝腎之陰升。今妖厲外感。草木內傷。動靜升降。失其常道。天地不交而否矣。否極則清濁相混。地道壅塞。精而爲熱。留而爲濕。濕熱相搏。載銷載脹。遂成枯落。雖金鎖固元。百合固金。生脉散。益營煎。大補復和。漸能收縮。還位。不以從前啟入疑問。而動入熱慍。本目終不雅觀。先賢謂愛子之心。無所不至。顧寧馨兒。兒殘賊於漁利下工。而不事事。若父若母。亦可謂憤憤者矣。假寐永嘆。中心慙焉如擣。

黑白通四十二

水天輪廓碧雲通。金木戰西風。且知潮隨日落。慘淡處。
火燒空。初若線。繼如虹。繞青宮。望中目斷。夢後魂銷。問
甚神臆。

此症左右白睛盡變粉藍深碧之色。今雖無害。而源
遠流長。將來莫窮止境。所以然者。金德木白。被風木
鬱蒸。青氣遊出。遁入氣輪。青白混融。致成藍碧。夫木
承金制。尚能爲禍。顧主弱賊強。焉不肆其暴戾。且風
生水動。乙癸同源。瞳神必有大小之患。神不大小。只
微聾而澀。係上膈潛伏虛火。與脾肺之絡微有濕熱。

秋天人多見之。俗呼稻芒眼是也。有小兒白睛微變
青色。黑睛稍帶白色。黑白之間赤環如帶。此心火乘
金。金木交戰。緣平素病困已久。服藥過當。肝邪抑鬱
不舒。則直動搖。內傷元氣。元氣一虛。肝邪愈固。乃所
謂浮熱者。亢而侮金。金者兵象。不勝則失機。目爲五
行正色。金木相敵。風氣雜作。故宜青者而白。宜白者
而青也。倘更腹滿。食泄。則木火又犯脾土。脾食必矣。
又中年人脾腎衰甚。不能資生養化。致木失春榮。視
物如烟樹雲林。或瞳子高低不平。色濁如淤泥。赤帶
抱風輪而轉。再常內勞外感。厥症之變。有非毛穎所

能殫述。統以花果合歡。九經歲長服。黑白各還本。色。
愚按淫者過也。滯也。淫熱者。猶言濕熱。漫淫也。當指
母而言。蓋母有熱。邪子資氣。聚熱遂傳。入反尅者。正
本制邪。邪盛則害正。如上證。金能勝木。肝邪安能入
肺。蓋金衰木旺。反爲所尅。譬以小刀劈大木。木未用
而刀早折矣。倪氏撰淫熱反尅之病。有云足厥陰木。
妊子火子。以淫勝禍。發反尅。故肝受尅。而目亦受病。
也由斯說。是生木者其火勝。木者亦其火也。豈心行
大小而火分君相乎。讀者澄懷體認。自應翻怒爲笑。

氣脹四十三

白眼浮於黑。虛虛勢漸高。圓長中忽斷。邪正一相消。食結珠兒顆。無妨魚子泡。若然傳木火。勝復析秋毫。

此症睛無所苦。但氣輪一處二處虛虛壅起而不紅。不紫或圓或長。或中斷隱若魚腹中之白泡。乃氣自衰。癰寒濕相乘。助陽活血。湯扶其正。四君子加桑皮。麥冬。抑其邪。自然消復。否則一變為水紅。通睛脹滿。再變為赤紫。遂脉生泣出。畏明澀痛。是蓋大苦事也。平肝耶。清肺耶。抑亦聽其自然耶。治後間有數顆結。實如珍珠。終身不沒。不敢施刀烙者。然亦無妨瑤函。

從肺藏積熱。治以清涼。夫熱則屬火。發於目。必赤痛。傾自然無苦。祇如魚池虛火。乃謂之積熱。非翳風喪心。一何蒙蒙。至是。

血翳包睛四十四

瞻彼松筠。蒼翠弗鬱。乃某青睛。赤翳蔽密。無分乾宮。莫辨異室。黑白圓融。血肉合一。左右相傳。恐成痼疾。人見輒驚。見人不識。治摠砭針。少凶多吉。

此症初起。或左或右。赤腫狂痛。淚流如湯。畏避不敢向陽。恍若暴風。客熱失治。赤脉大小縱橫。貫過風輪。越宿加頭。痛便秘。赤脉陡大。變成血障。障復實而成翳。厚蔽震巽。輪廓強掣。開視黑白。無有惟一體。血肉故曰血翳包睛。厥症亦算險惡。入手須菊花通聖散。或清毒逐瘀湯。大劑煎服。服已用砭針開導。以終雪。

丹飛熊丹。晝夜五點。看勢稍定。分珠散。入正散。消風散。血湯。增減與服。自然惡化爲善。險歸於平。倘醫不耐煩。患者嘔怒。弗戒。雖未必便至。極凶風儀。殊覺少玷。

火天奪日四十五

天廓由來卽氣輪。不通傳導損乾元。火天見慣渾閒事。
奪日誰云不駭人。

此症無因無恙。一二日天廓盡情腫起。色紫碧。狀如
敗猪肺。看得怕人。甚者併風輪包倒。不見金井。故曰
火天奪日。其實亦無害。蓋傳導失職。因火上炎。潔其
本經臟腑。使邪從下出。更以生熟地黃飲。扶桑丸。早
晚互投。則腫漸消。而色亦漸白。如從傷寒赤熱爲治。
未能中病。徒喪真元。倘斯人太遲已去。則鏹金煨木。
其利勝斧錢多矣。臨症者尚凜遵無忽。

流金凌木四十六

憂思鬱結心神損。悲怒劬勞肝氣虧。饑飽不勻倉廩壞。色慾無時水火虛。土氣既衰金自薄。風邪寒暑易相賊。病兼五臟。惟斯症。醫得無增。便是除。

此症目無甚大。災但三處。兩處似膜。非脂。從氣輪而蝕風輪。故曰流金凌木。狀如勞肉。羣睛然。色白而薄。位且不定。亦多見於陰鬱婦女。所以然者。婦人性雖柔。當不得好勝。而善愁。善愁則氣降。好勝不勝則愁。變爲恨矣。恨不能發。故鬱鬱則生火。火盛精耗。金木俱傷。遂得斯病。病成可却。而不可除。剪勿妄施鉤割。

他致人喪明也。

症成可却。蓋風輪患此。必有微眵與淚。或昏眵不自
在。以歸芪六君子。合生脉倍分兩爲丸。歲月長服。則
病不再長。或還少丹。駐景丸。亦可。不可除攀睛。努肉。
明明清仁輪廓。只鉤起鉗定。飛刀割之。立去。此則謂
攀睛却是翳障。謂翳障却是皮膜。謂輕而無害。却針
藥無下手處。醫得無增。便是除此言。雖謬。見理緊明。

天水昏黃四十七

氣輪絕似黃花色。青睛再爾昏應得。胃家濕熱肺家蒸。
清氣已遭濁氣逼。無因無色視而朦。水少元虛兼血失。
一般怠忽不經醫。及至雙盲徒太息。

此症謂白睛昏黃如敗葵殘菊之色。蓋少年豪舉酒
肉無算。炎燄不息。脾倦不能化穢惡之氣。時常在胃。
胃口上連於肺。肺圓覆而虛中薰蒸日久。安得不爲
所染。故清白美質轉爲昏黃不正之色。所謂楊花落
泥池。近硃者紅。近墨者黑。然水輪亦爾。若金生水濁。
氣又旺人腎也。腎不受污。將還肺而肺不收。則特而

者也。惟蓋則神不赴，不通不赴，數門乃開。而目失所
天，爾目失所天，安得無乾涸視渺青盲內障之變。但
爲禍且緩，人不爲慮。罹其害者多矣。悲夫！沉酣香醪
及過哭多憂婦女，每有此患。治法：二氣左歸丸、脈通
而濡，以大補苒其湯，倍加枸杞，故並鹿角膠，所謂病
與脈俱。藥與病值，多其物以率有功。許胤宗云：一症
惟用一藥，療米萌之光，氣純而愈速。欺世盜名，徒資
淺陋人口實。

瞳神散大五十

瞳神散狀如何異。廓猶絲大不多。精氣兩衰風火凌光。搖銀海水生波。病業來思吾已矣。縱邀天眷失人和。

此症專言金井散大。向明斜睇。風輪下無時窄窄。一週甚則一週如線也。蓋人性急善怒。及癖酒嗜醢。或厚味。皆能助激真氣。暗生痰火。將膽腎十分精液。銷耗五六。致巽風雷火交相亢害。水輪因而不用。而神膏亦游走敗壞。色變異常。視物如隔玻璃鏡。雖見不遠。惟大無小。此時細察。無內障顏色。而能收者可治。然亦不宜緩。緩則氣定膏損。非惟不能收。併不能動。

覺有障不成。成障而散。太如故。此明必矣。一證因於
怒而散。光遂不收。都無初漸之次。不必服藥。又有爲
物所驚。散大則暴怒之症。亦不復治。若夫頭風痛攻
神散而陽光頓絕。此爲風變。不得混呼前名。

瞳神縮小五十一

兩目當空墨墨白分明好童時無大今無小可知爲至寶可知爲至寶因何倏忽木乾木稿瞳神收縮精光少看看盲到老看看盲到老

此症謂金井條兩收小漸漸小如針孔也蓋因勞傷精血陽火散亂火衰不能鼓鑪山澤之氣生水滋水致目白混而水亦隨混故腎水下縮水輪上缺甚則緊合無隙殘疾終身矣治宜大補氣血累開鬱熱和使無形之火得以下降有形之水因而上升其血歸元而真氣不損或少挽回一二

原倪氏原機爲強陽搏實陰之病抄書奴皆從之庭鏡

特闢其謬可謂反古竊亦有所見而云然一少年武
關下策目忽不見瞳神小如青相子某醫謹遵渠用
抑陽酒連九插鼻碧雲散還陰清腎等湯未十日死
矣又一老丈亦得此症近視畧見指動人咸曰壽徵
余曰病也診之脈沉遲而濡何以人參養榮及理陰
煎十餘劑視稍遠一戚屬仍處倪方竟失明由此驗
之其爲陰陽兩虛無疑且卽據原機而論陽強陰實
水火既濟何病之有內無所傷能視不昏何藥之有
火強搏水水實而自收是猶日月對照固當明察秋

毫何微。覺眊燥。况瞳神小者。金井小之也。于心胞絡
何事。至云。又有神水外圍。相類蟲蝕。此眼目心腹之
病。何止邊鄙皮膚。老朽瘋話。公然梓以行世。不仁孰
有甚焉。瑤兩頰更其說。而仍錄其方。依次主治。非故
口不從心。外此決無佳謀。然則少者之死。與老者之
瞽。皆天也。豈抑陽清腎之爲禍哉。剔燈孤坐。憂從中
來。不知涕之奚自。○抑陽清腎。固不對症。然遇偏陽
線。夫服亦或効。未足深非。碧雲散。主風熱蔽翳。目暴
赤腫。搗鼻竅而噴嚏。則邪從涕淚而泄。顧兩腎自病。
毫無表證。怎想到攻散法上。實可笑而不可解。

功視五十二

雙睛近覩是生來。不是生來却補胎。真火不明真氣弱。
真陰一點亦危哉。元神遠見是元陽。視短孤陰自葆
光。斷莫春江明月夜。又隨人宿載花航。

此症日稟賦無恙。忽爾只見近而不見遠者也。甚則
予立身邊。問爲誰氏。行坐無晶鏡。白晝有如黃昏。蓋
陽衰過陰。病於火者。火病則光華假斂。安望繼晷傳
薪。又且火之所用血氣。在身爲風儀。在目爲神威。乃
縱恣嗜慾。喪其元陽。則雲埋霧蔽。腎中真水。僅足以
回光自照。尚能健運清液。以滋胆汁。而使木中之火。

遺布於世。明耶。消之。皆何如。益火之。足以補陽。勝。

遠視五十三

近者模糊遠者明。虛陽發外損陰精。前能補得真元足。
目眇疎疎數亦清。雙睛自昔遠通靈。近列與新數不
能。幾度支銷臺上望。生憎羽化帥飛騰。

此症目漸次昏昧。能遠視而不能近視者也。甚則乘
燭作書。舉頭落筆。出入非杖。黎熟路。莫敢放步。蓋陰
不配陽。病於水者。水病則從。燥化熱。不遑涵虛靜德。
又且水之所變為血。親上與氣謀。親下與精謀。若淫
泣勞極。新耗風力。則元神飛越。命門少火竊恐為毒。
龍所引。詎能使遠照之靈。鉅藏方寸。與未虧天癸同。

其貞明耶。將何以議治。壯水之主以鎮陽。

火之原。命門真陽是也。水之主。兩腎真陰是也。真陽

之氣猶風日。真陰之形等月露。風日培于外。月露遲

於內。內外相資。則陰陽和鈞。遠近發用。各得其宜。經

曰。目得血而能視。似非確論。且目賴氣為水火之交

而能神明。否則能近怯遠。能遠怯近。不幾桑榆晚景

之漸乎。至云根於中者。命曰神機。神去則機息。根於

外者。名曰氣立。氣止則化絕。斯可盡二症之理。外蓋

秘要。以遠視責其無水而滋腎。似矣。近視責其無火

以補心。趙氏醫貫以六味壯火似矣。以六味壯

水所謂差之毫釐失之千里益火須臾附桂其故
正肉菹陽起石益之無益此陽衰隨陰下陷譬日夕
則光威漸靡不思銳進增人麥冬石斛茯苓草石決
視愈短壯水以歸地黃杞河車從蓉龜鹿膠壯而不
壯是陰寒非受滋潤譬河凍得春陽乃解不加峻補
改用丹瀉黃柏犀角命必傾

神水變色五十四

神水空濛色變多。性天心地兩違和。願伊銷却勾心腦。免令醫人喚奈何。

此病謂神膏換却元黑本色。着眼與平人迥異。而自家視物亦耗然不爽。蓋陰精陽氣消燦殆盡。致內風虛熱長居臟腑。非獨向溫柔鄉打乖。但損傷腎水者也。夫人水穀入胃。化爲氣血。在。身。爲。津。液。升。於。目。即。爲。神。水。得。則。滋。而。清。明。失。則。燥。而。渾。濁。一。定。之。理。也。是以陰陽消燦。猶。十。目。本。而。色。斯。變。焉。所。變。不。一。大。約。飽。酒。肉。厚。味。者。色。多。黃。用。兼。藍。如。蔬。食。菜。蔬。者。色。

多青與微碧。沉鬱境遇者色慘淡不紅。亦馳勢利者色蠟蠟如初生狗胆是症最逆。恨來遲且不堪苦楚。人雖稔知委曲。究竟忽不經意。每每害成內障。治之奈何。經曰。有者求之。無者求之。虛者責之。盛者責之。順天之時而病可以期。有內障欲成未成。針不能撥。自視亦混沌。畧見。當以此名名之。病情始協。

神氣枯痺五十五

氣痺神枯見亦稀。更兼原委少人知。陰陽不濟真元失。生日無常死有期。

此症輪廓無復。但視而昏花。開閉則乾澀異常。撒瞼細看外面。養精神水。有若蝸牛之涎。延游於黑白之間。徒光無潤。須臾風輪內外氣象漸變。枯敗如死人。故曰神氣枯痺。急合喻令渠靜坐半晌。再掀再看。狀如前。少開始復。此臟衰火作。雖真元未必遽絕。而白致之邪。及耗膏液。爰得斯疾。忽而不治。命其能久也。乎其致病不審。所以大約不離情慾二字。及時理會。

自得其解。詩曰：他人有心，予忖度之。此之謂也。
已上六條。壹皆醫病。醫無外症。無漏法。總於補虛量。
體選方十亦可全二三。

有病攻伐過多。神水亦致枯涸。且轉運自時。陰氣如。
龍視須大補。真元切忌外泄。

陰風障五十六 瑤函名此證曰高陰義不解
大道行不去。可知世界窄。未晚草堂昏。幾疑天地黑。心
跡非無素。雙睛絕塵墨。何以蔽幽光。惺惺重側側。離川
古疾民。元氣能培植。相識半百人。共子度晨夕。秋風興
不成。浩歌響巖石。

此症世呼雞盲。一名雀目。本經曰陰風障。至晚不見
曉則復明。蓋元陽不足之病。或曰陽既不足。午後陽
陰何未申尚見。子後屬陽。何丑寅不明。曰午後雖陰。
太陽離麗。日陽而時陰。陽分之陰。子後雖陽。太陽
黑。夜陰而時陽。陰分之陽。日其類也。故晦明共之。然

有燈月亦爾者月太陰燈亦是陰安能內助乎陽而
容光必照焉且五六天地中合人身藏府十數既與
天地相參則陰陽之氣無時不中亦無時不合平旦
陽氣生景午陽氣隆日西陽氣息氣門乃閉人而陽
不勝陰則氣必下陷陽氣下陷則陰氣上騰縱有火
光月色終不能親亟用春陽回令九回神丸各一料
早晚量服再舉升陽益陰上品好藥畫煎一劑則精
氣冲和自然面愈不則變內障者有之變青盲者有
之若驕恣不遵戒慎或衣食不適口體致陰陽否塞
爲中滿中消而死者患者其毋忽諸

內障五十七

無故雙睛白似銀。失明久作已亡身。神仙不泄天機妙。
漫把金針暗度人。偶爾從高跌下。無意被人一打。神
水撓而渾。年久凝成翳也。不怕不怕。自有金針在焉。
此症蓋目無病。失明金井之中。有翳障於神水之上。
曰內障。非精藝莫識。所以止疑爲詐。詎知障在睛內。
猶懸布幔於紙窓之上。外人安知其蔽而不明也。初
起目昏。次視惑。次妄見。甚乃成翳。色白。或微黃。或粉
青。狀如星。如葉。花如半月。如劍脊。如水銀之走。如膏
脂之凝。如油之滴。水中。如水之凍。杯內。名曰圓目。橫

曰滑曰澀曰沉曰沉曰破散曰濃厚先生一目而後
俱有其致病始末前後已詳言之無容再贅今專究
其針治如後片不赤痛左右並無頭風腦子不欬不
側陽者能小陰者能大年未過六十過六十而髮
知晝夜見影動皆可針機反此者不能卽不反此其
睛黃如橙紅如硃清如水晶昏暗如羊眼綠如貓睛
皆不可針又有外看無一毫犯禁忌針入睛堅如石
石沉泊黃精者如皮膜碎一孔而不能者着針睛
珠病斂不勝力者通睛沉陷針難轉撥者須罷手勿
強爲針後有頭痛用葱艾熨法痛甚按穴灸嘔吐當

煖胃自睛紅常帶火行血通睛急痛安神養精佐以
和肝過此瞳神有油氣視而眈眈大益榮衛如欲細
小加辛以開翳散大倍酸以收但不宜用莽桂薑附
香燥之物恐動血作針口過此障落無光者陰陽不
交障从復上者再針亦可人能調養精神勿藥亦保
無虞倘以爲愈而不加謹慎日夜思所以斬伐其命
脉致元元憔悴若焦若燒必轉爲風變而後乃全雖
華陀可見亦無如之何也已矣○有頭腦被物打爛
或跌撲倒撞瘀血流出眼處添入神水當不及覺後
荏苒成症輕止本目重則左右相牽本經曰驚振眼

受病固不同於他而治法則一。然要知右邊受傷先損右而牽左。左邊受傷先損左而牽右。牽損者可針先損者忌針。損輕者可針。損重者忌針耳。

訣曰

無因自爾漸昏朦。偏是昏朦色界通。妄見蠅飛花亂落。或如電掣火流紅。這般病業非傷性。水不清涼木有風。彼時藥石差標本。邪正相持氣混融。始然一眼如烟罩。次後相牽總一同。年久與薪全弗見。爰名內障障雙瞳。漫漫長夜何時止。金針一度日當空。生成內障有多端。可能醫治十來般。分明一一知形色。行

針方可獲全安。鵬舌古針。今罕尚。三稜用亦不相干。
病虛老弱兼娠婦。前後調和藥餌難。咳嗽咽搖仍未
訖。無已預服補和丸。不雨不風天氣好。致齋申敬待
針完。八法通神心勿怖。但是閒人只靜觀。有血術疎
急住手。候犯黃精豈等閒。乾麻利貞巽地。善鑑人神
水靜無痕。三日敢封雖見物。花明水動莫多言。若然
使性違期息。縱不傷生易却難。內障金針針了時。針
痕滿著痛微微。軟帛纏頭金紙貼。仰眠枕以穩爲期。
眼外忽疼禁不住。首風牽引莫他疑。或砭或藥歸經
寶。否則還將熨法施。欲吐盪梅含嚙下。吐來端坐却

出兒三朝。黃精溫溫服。長動牙車。事匪宜。大便小便。輕叫喚。行雲行雨。絕相思。如此耐心三十日。徐行出入。會親知。一切有情。身外事。病應從此永分離。

不塵子曰。內障之來。其故有四。五藏有偏勝。衆府失調。候弱陰艱。強理虛陽。無補法。肝脾肺腎。各遂其初。以樂天和。一藏或有餘。四藏俱不足。此五藏有偏勝也。胃胆大小腸膀胱。各司厥職。少違功令。爲燥爲淫。此衆府失調候也。天水不下。地水不上。急而欲滋之。遂使龍雷見。此弱陰艱強理也。壯火食氣。氣食少火。是曰陽無根。益之欲令實。翻致不能禁。此虛陽無

補法也。經曰：心者五藏之專主，目其竅也。又爲肝之竅。腎主骨，骨之精爲神水。肝木不平，內挾心火，神水莫制，爲勢妄行，上爲內障，此藏病也。府脈系絡於藏，循於目，其精氣亦上注而爲目之精精之竅爲瞳子。瞳子受傷，則系絡仍敗，邪火乘之，上爲內障，此府病也。黑水神珠法於陰，白膜赤脈法於陽，陰伴陽齊，故能視陰微不立，陽盛亦孤，上爲內障，此弱陰病也。勞役過多，心神倦怠，相火代行其事，相火一衰，百脈沸騰，上爲內障，此虛陽病也。故藏病者氣虧血損，邪中之則神光自現，而精散精散則視賊，故以一爲二，府

病者。痰停火伏。邪中之則。隨眼系以入於腦。人腦則目眩。以轉故視定爲雙陰翳者。視覺微昏。常見空中有黑花。人則視渺。視近神水淡綠。色淡紅色已而純白。則不見。障病者。視物惑亂。狀類不一。甚則若螢若電。時發時止。神水變色如前。然雖有藏府陰陽屬病之分。而障成則一。究其原。皆從五味四氣七情六慾。不知節之所致也。由微至著。而人不猛省。憑仗血氣。方剛仍加斲喪。或安地命元理。聽其自然。再則較錙銖之利。方真藥假。信庸劣之醫。始輕終重。堂堂之軀。同於木偶。雖富且貴。如夢如幻。嗚呼。是誰之過與。諸

曰天無二曜一物無所生人無兩目一事無能爲可不慎哉是以疾之初起必於藥石之外正心寡慾惜視微光蓋心正邪不入寡慾水自生惜視則神不勞藏光而常潤又且目爲心所使心正則非禮勿視安得率事長思又夫志氣逼人動爲裙釵所沮精力云乎哉寡慾不但延年且免北難司晨心爲目所誘羣物交物則引之不見可欲使心不亂是視宜惜目不着於邪物則心無妄用是雖目絀審如是而行則五藏之病衆府之病弱陰之病虛陽之病虛者可補弱者可強有調有候不偏不勝內障矣自而來而猶

有病之者。天之災也。天災可追。吾將持金針。以及之。
引用金者。非貴之也。蓋取金與金合。不傷肺氣。猶砭
石引鐵之義。故必須上好赤金子。打造長可六七分。
人惟與縫衣針並。穎畧鈍。不可大利。下用銀鉗一管。
長五分。以象牙剉柄。約三寸半。緊闔入內。通体水磨。
圓直恰好。利用則珍重藏著。臨事祭以蒜液。無不應
手。名曰神針。不亦宜乎。

古人針用三稜。用鴨舌。用馬口鐵造者。雖散諸簡策。
未得指授。率意爲之。鮮不敗事。無若吾此者之圓滑
穩便也。有某士中年落魄。尋醫生涯。師心自足。恥問

前達聞人有獨得處。偏加意鄙薄。一日閱余開目。後陰記其款式。遽出治人。瞳神一痛而破。可見金針。怕不敢妄施。三稜鴨舌。而可漫然嘗試者乎。好自用者。願以此生爲戒。

凡針量其人年形苦樂。預爲調停。藏府外。前二三日。須少進清散之劑。平其氣血。及時取新汲井泉水。一盆。安置架上。患者對盆正坐。醫家側立。以手勺水。頻灑於眼內外。澆淋覺冷氣沁入腦戶。則脂翳越凝。撥而無血。且使肌理頓木。不知痛怯。於以下針。迎片成。風自不粘濡矣。若冬月及老弱人。茲法不施亦得。

撥眼要精八法。六法易傳。惟二法巧妙。在於學者心
靈手敏。久之自然有得。八法者。一曰審機。患者以手
泉洗眼畢。正襟危坐。椅上靠定頭項。勿令轉動。兩手
撥珠心無妄想。如撥左眼。醫師用左手大指食指分
開眼皮。卽就二指捺住白睛。次用右手大指食指中
指執針。令垂而直。各指畧按眼眶。庶可動而察輪靜
而觀。第二曰點睛。針鋒就金位去風輪與銳眥相半。
正中插入毫髮無偏。隨用疾逆瀉榮。徐順補衛。三曰
射覆。針鋒深入無碍。卽逆黃精。慢慢斜回。針柄會須
進。不招慾退而得所。四曰探驪。針消黃精。如意逆用。

使不暈不悖。不妨直自內誅。橫從外見。五日擾海。神龍既見。霧雨潛興。閉目片刻。則風雷自息。然後重截雲頭。駐收虹脚。六日捲簾障。離檢落。開手自能上去。必加力掉下。又放上來。務期上而不高。下而到底。七日圓鏡。翳淨。用針幹於金井中央。週遭浣滌。細看睛內神水澄澈。顏色指動。一一映照。自爾遠可識人。近能鑑物。八日完壁。迴針將障送至護睛水內。盡處遲遲出針之半。少息。再出。恐墮。復還原位。切莫緩在半日。急於一刻。此八法之大槩。其中妙處。不傳。深造自得者。尤在三四法之間。夫探驪得珠。請問誰能沒海。

射覆知名。亦不過偶然猜着。顧名思義不幾令人駭
汗。孰謂胸有成竹。固可恃而不恐也。其他六法。惟撓
海一針。羚羊挂角。無跡可尋。第終知爲羊。自可捕風
捉影。端不若前法之微且險也。故曰六法易傳。雖然
金針治目。可謂力能回天。聖神工巧。六法備之矣。或
以爲易而忽之。或以爲難而矜慎。縱心靈手敏。均不
可語吾道。如撥右眼。則用左手。照左目。入法。左目用
右手。右目用左手。一定成法。故學針先須從左手講究。
張氏石頭醫道。謂左手不便事。只右手由大背插入。
曰過梁針。此強作解事。直插可入。橫眠詎能轉迎。醫

固不通而心實頑於石

行針之日。齊明。婦服酒。攝戶庭堂口橫設一案。置香
爐茗果等類於上。醫者居前。主人居後。再拜稽首而
言曰。某年月日。下土某敢。胎告於上下神祇曰。惟天
地萬物父母。民有疾傷厥心。匪藥而克。某枵腹不學。
未能變化成方。勉治針經。用匡不逮。今某立身行已。
無惡於邦家。既此復醫。俾晝作夜。五色昏迷。若沉溺
盲色。其或有過罰宜。從輕廢爲殘疾。大可矜恤。知悔
斯已。敢以自新。恐術與數術。用濟惟爾。神尚克相。予
俾疾瘳。毋詎伊戚。永荷天休。是用告虔而默鑒其心。

禮畢。褪去大衣。抖擻精神。執針於爐上。且熏且祝曰。
假爾針神有靈。助我入法。開彼雙睛。日還其精。月合
其明。我不辱命。彼樂餘生。假爾針神有靈。

開婦人替目。用金紅簡照帖式書破一通。其辭曰。
伏以玉燭調光。中壺照仁壽之鏡。銅烏獻瑞。南陔補
白華之詩。置靈素於腹笥。同培元氣。烹江鉛以掌鼎。
啟弛瞳神。言念某氏。望族女嫠。名家閨範。丰儀閑雅。
宛然林下清風。性質溫嚴。委的閨中韶秀。一燈五夜。
綉帛停針。寒雨幽窓。梭寧輒織。然而才優於命。受用
多讓鄰家。抑且女慧於男。教育其如彼婦。嚙嚙文牋。

奔翮高翥。秋秋青蓮。並頭早折。片茲劫數。誰實安排。
大都結習未除。或者善緣欠講。東土豈無羅刹。庸犯
戒言。北堂雖祀觀音。罕敦慈訓。紺裙髣髴。血會隨喜。選
佛壇場。貝葉寫經。恒悞剪髮。波履式人。謂嫦娥不死。
桂宮兎杵。宵宵搗藥。何爲古稱仙子。了凡七夕鵲橋。
歲歲渡河則甚。爾問我答。端涉詆諧。既笑載言。知添
罪惡。但賞性從重。平生每事多磨。罰合就輕。未老雙
睛。遽瞶春花紅若錦。不窺園已三年。秋月白踰霜。難
移步至五尺。真所謂魄未下世。魂早離形。庭鏡少治。
儒書長通醫術。降財毋荷得冷戶。那較豐儉。見義當

勇爲近功用補新過。是以直行厥道。遲計他求。伏願
上天勿念前愆。能自新厚。加保定。本師勸懲。新功可
爲法點。運機。銀海。耀虛。日中。頃刻。消雲。霧。金。鐵。宜
化。指下。分明。有鬼神。此後餘生。由今再造。無任存誠
至敬。激切屏營。謹啟。

此余向昔治某婦而作。其婦美而賢能。只一子種痘
殤矣。因子死憂成病。尋亦不祿。婦晝夜悲泣。得圓醫
內障。告神針之。雙目如生。因錄以爲則。若夫子無恙
文牌。請遵句勿用。或有別情。修飾增人。與某某姓名
須實填。

圓翳非謂方圓之圓。乃兩重相粘中央夾有濁水猶
如子壁錢之象。凡針撥動湯却不能脫落者是須針
鋒望巽廓空中一刺其濁水滾滾下流或溢出於金
井之外再豎針向內打圓按下則瞳子瞭然矣
滑翳亦非光滑之滑乃圓翳未結針入能散能聚散
之則大珠小珠上下交流聚之仍合而爲一所謂如
水銀之走者此也是症不多見針亦莫能奏効學者
識之。

附案九條

目翳既久生猶死也。一旦復見人世縱需用多金當

亦樂從。況有不愛錢肯施恩之天醫乎。乃以下九輩
視爲容易。不惟不謝承。翻埋冤賴詐。是蓋蛇蠍蜂蛆
合爲一體。永心狗行。未足方其穢惡。覽者不怒髮衝
冠。決非烈士。

邵武羅東山。撰典湖英撫子也。年三十亦貧。開吳其
棄婦張歸寧母氏。母頗有升合。足供舉。弟黃終入贅。
然婦老而無出。敢怒而不敢言。冉冉或明時提學。爲
歲試。扶臂告。駭家弟娃見之。教由建訪余。余友艾南
天。嘗主伊宅。其利其有錢。命東山父事。至是賴其力
求治。一切使費皆取給焉。藥資贈於乃兄艾秀瞻。蓋

憐其貧病而樂以義成也。詎爾目針而重光墜隱不
認反以瞋黑痛楚日夜號泣。父母疑似虛寒時遣施
子泣益頻流益張余直叱不能禁乃諫舁歸。明年春
秀兄子廷珍補弟子員。因同僑語若近况始知已具
呈補考。又明年南天招徠。艾母八十壽。總無一字存
問。不論受恩弗忘。卽交亦無此不情。
余既精針法。焚香告天。願有治者。不問貧賤咸與醫
藥。豐人饒例。生而得銀星內障。父母驚異愛逾常兒。
比成童纖毫。不見乃知爲雙盲。欲溺死者再隣。鄰婦
而育之。誨以誦文。耳順身入聲亦朗朗可聽。每出人

樂施足瞻命。行年二十。余至其里。爲針一日。隙去而
人物不識。教以手捫之。再問對無差。因悟蘇長公曰。
喻誠有其事。非寓言也。媼喜曰。伊父母差產。醫人呼
爲僥倖。今成人矣。再四稱謝。越五年。媼棄世。僥仍還
本相。負鼓板曳杖而去。莫知所之。

陳嶺陸瞎子形瘦小如老猿。年近六旬。不生鬚。妻
男亦無。然不甚貧窮。麥田蔬圃。儘可自怡。適余過上
坪。見之。目可治。詢其由。乃夏夜出浴。爲虎攫去。越十
數高岡。放下。載嗅載舐。齧其陽事而去。得命歸。驚且
慟。成斯症。本里張蜀瞻不信。世有是術。掃榻居。停懇。

針其一金井如永壺秋水纖塵不染故喜極大呼曰
虎口餘生今日復圖東區風景何以爲先生壽陸惶
恐無以應者頃引指揮吐瞻瞻作彌中狀在庭各三
兩偶語余笑曰此羅東山故智也吾與若少退安矣
及使人偵之果然

廣昌詩者唐三流出於同里余宅予嘗見曰此可針
而愈也衆以爲大言強施之針入卽光問所見云黑
如漆加之任痛索錢米滿意乃行明年某白水費作
鼠竊被人執獲送司余氏子遇諸塗始知前言非誇
三流蓋小人狗彘不食其餘者也

泰邑龍湖童靜山。慕余術。既受業。他症畧臨。惟未見
內障。徧覓得一孤貧。戴六牙針之鬚眉畢現。童細詰
光景。奚似。仍對如三流言。嗟夫人世之事。非人世所
可盡。湯養仍不云乎。連上所治五輩。東山三流。固屬
賴許。陸與饒與。戴果何作用。而昧心至是。

西城薛伯恭之子。二乞亦生而雙喜。家人不知也。戲
週昨盤什物。一不能取。亟遣與迎視。曰。此內障。非金
針不開。然須長而曉事。始可施行。書數方教。依次製
服。使春木仁氣常有。厥症不變。凡歷十五寒暑。欲申
前議。而家落矣。歲乙酉。伊胞兄環聲。從兄惟潔。皆試

遇余於章江茶話之下。詢乃弟近境。曰家風太改。惟
姪目如初。先生亦善予。肯念屋烏之愛。思及廢人乎。
客不才。著落相請。余敬諾。十月回內子。搜尺牘出閱。
知已代邀會。得錢五千。尋復札訂期而往。薛若不知。
情惟潔。勸至伊館。夜冷。力懇開罪。翌午勉針一日。睛
湛如鏡。問人物。條言見。俟言無覩。面賴謝金耳環。極
勒錢送余歸。止出二千文。餘推某某未得。余鄙其無
藉。荷人謝請。好善樂施者。遂行不復再齒。後二乞代
鄉人收。希見余回頭不顧。可謂心盲矣。
南瞻子同里顯名從兄。詩居游坊橋年五十止。一子

沒死。目暴盲。時九月神會。戲班大家觀者皆嘆盲。顯
名料余必歸昇至排上求治。審係驚振內障。盡子死
以頭撞柱石號泣故也。明日顯名偕族姪松谷踵門
議禮許謝三金。曰銀數如命。必須封定。始下針。松谷
力肩承余不許可。曰是症針入病除。轉瞬多以不見脫
騙訂。以其日行針。至期表妹夫科捷暨伊叔父菊村來
說。開午刻開彼人瞽目。付往觀問。松谷何在。曰已備物
先去。二人固余所敬愛。又屬一家信而不疑。比至再室
果置所許三兩在座。施針繼芥能萌衆方譁駭。松谷
潛袖銀肥遁。顯名遽前謝曰。家兄自帶有錢何必和

貧親友。飯罷送至府上。日將入。顯名匿不川。索錢無
有。還尋松谷婦。應未下來。翌午復往。排上。睨子已凌
晨返游坊去矣。人心險毒。叵測至如此其極耶。
丹陽曾斗先。余孫婦族叔祖也。因妻死憂成內障。迎
余治。睇視如圓翳。及針果濁水奔騰。風輪倏若暮烟。
佈滿心。悸甚。急罷手。煎養榮湯與服。令就寢。少停鼻
息。如雷。禁勿驚覺。是夜無事。晨起揭封。水澄精湛。鉅
細能辨。余原不校利。況屬親道。記知口蜜腹劍。見面
諄諄致謝。對人言。翻謂爾時非曉醫理。一針幾斃命。
言下似自品藥而愈者。嗚呼。此老婦歷十年子。如凍

如傲屣。今舌耕飽食。全不以我爲德。竊亦東山之流亞歟。

上盤江子萬石匠生理。一日廠中鑿碑。石節彈左目。既時右目尋得驚震。劈央程以珍求余針。議銀四兩。針入障卽下。程問見否。江不答。余叱曰。爾德諒不可有光。仍將障撥上。忙曰。見見。其子婦急出。似釧交程手爲質。乃如法畢。事語曰。世風不古。又曰。人心叵測。於金針一道。傾教多多矣。

時復五十八

不知時復症。歲歲至期來。將謂無深患。終乎是禍胎。存
經名手愈過後。猶未治也。夫曰素瘥。見人輒波累。其各
醫留難。病根鉏未去。

此蓋目病不治。捱忍而愈。或治不得當。欲戒有犯。觸
其脈絡。遂致深入。又不治之。令邪正擊搏。不得發散。
乃年之月月之日。如花如潮。至期而發。過期而又愈。
久而久之。及激發者。然後始有症。不治不得。未發間。
其所發。因何病本。既發。觀其形色。部分在何藏府。對
症主治。終有不復之時。斷不可拘於運氣月令。概以。

及時之劑。搜之恐未中病。先已中藥矣。

有月經上工治愈遲則二三年。速則八九月。再過則一月數作。謂時復亦通。此病根未除。遽然謝醫停藥。或从封禁束。一時霍然。乃游衍風霜。放恣嗜慾。此從彼召。氣血遂因而留注。病走熟路。次從原經絡而發。世人多咎人留酒碗非也。臨斯症更情相機投藥。萬莫被前醫某方印定心服。所謂薪盡火傳焉。知來者之不如今也。

有目素癢。但見人病輒發。此一時之氣變使然。御曰百病皆生於氣。思則氣結。恐則氣下。驚則氣亂。夫八

目俱時復則箇中甘苦備嘗。見人病其不難忍而思
及自己。備時神氣重。更縱外邪未必傳染而一歲未
了。宿業感而遂通。是以輒發覺。人方呵欠如身子疲
倦。則當面學樣口任燥。說着梅子。便舌下生津。其
致一也。列於本疏。格致之餘。敢謬以古人不見我爲
恨。

逆順第五十九

障胡名逆順。上下圍將至轉瞬失風輪。瞳神憔悴矣。爲治當如何。平肝滋腎水。既治了無功。固金叅妙理。此症風輪上下生翳。厚薄圓長不等。色昏白赤脈過。匝絛罩朦朧多淚。蓋虛風濕痰滯。瘀經絡滯於陰先發左目。滯於陽先發右目。陰陽皆滯。左右齊發。臉不赤腫。珠無脹痛。亦不可輕視。若睛傷膏壞。頭加棒擊。不能辨物者。又不知其變何症也。

混睛障六十

輪廓天然成五色。五色昭明守黑而知白。黑白有時不務德。黑翻爲黃。白翻赤。黑白難分。名混一輪廓未傷。

病九痊得。但是年深藥不的。夜光終始非翳壁。

此症皆一色昏白之障。輪廓無損。細視瞳子尚見。歷久而不變。不治亦不愈。世之患者最多。其亦痛羞明。眵結淚流。與他病同。病情及治法亦如之。間有障厚而實。渾似鹽酥黑豆。絲纏而籠。恍若碎文磁鈕。得効綦難。淺人不知進退。藥餌全無。惟以草以丹。且敷且點。不應復手。擦舌舐挑耳根。灸背膊。無所不至。非徒

無益而又害之。或病輕當愈。彼醫適際其會。不自賞
悟。輒誇援爲例。此不才之甚者也。更有令渠佩桃符
照水碗。扎衣角者。真是噴飯。余承師訓。參較有年。各
症俱得其理。凡經手治。雖不神驗。決無差悞。然除刀
針以外。其所用藥。不過寬鬱消痰。順氣行血。滋陰扶
陽。疏風降火等項。且人以藝高遠遊。非敗症不果延
之。既敗。多就補和處方。故病家咸以非專科藥而疑
之。不知藥非專科。固專科之不能用也。正如倪迂晚
年燈下作竹。傲然自得。晨起展視。全不似竹。迂笑曰。
全不似處。不容易到耳。可爲解嘲。

浮萍障六十一

障生或聚開濕熱鬱於腦。渾如雲月遮開視星辰小。來時痛澀多。去後亦欠好。來去若萍跡。治療休草草。此症如翳非障。或圓或缺。痛則見之。不痛則隱。來去無時。聚散不一。因謂之浮萍。蓋原患風痰頭痛。謬工虛虛實實。致元氣摧殘。而病曾未去。庸工知補其虛。不敢治其實。以故濕熱深潛腦戶。遇歲氣不和。及人事感激。則觸而禍發。性柔者常一季數次。剛急者一月數次不等。雖不藥仍瘥。終始留成痼疾。醫宜伐毛洗髓。曲當人情。病根乃絕。

已上四症皆久而又久。攻散之法不必講。切其脈問其近境。及喜惡。便溺。越鞠逍遙疏肝。菊花茶調諸散。撥雲補心。還少三丹。再則人參固本。生熟地黃。量度增減。丹點其障。刀去其癍。雖主政如嘉言。端不犯醫門法律。

黑霧如珠六十二

一丸黑霧有來由。異震風雷慘不收。其怨老天慳薄命。
此中原不似蠅頭。

此症初起微痒。繼而澀。已而痛如刺。日久則赤腫流
淚。畏明。長閉風輪。上浮起一翳。黑而圓。其大小高低
不等。狀如蟹睛。然非因輪破而得。且內外夾攻。乃所
謂蟹睛者。不覺自落。落後再爲料理。痕跡都無。怒不
能發。食而非宜。病候如前。預防一二。

此症少見。平生只遇一貧家子。形瘠而能勞。病患如
是。猶拾薪賣草。辛苦自若。余憐之。贈以四君加黃酒。

炒連翹止能開視再進此翳覺焦小遂除連加白芍
麥冬半兩子末三劑青睛平復與助脾蜜餅子四兩
全瘳然此亦偶中恐膏梁壯夫須依此睛未服藥未
破治法

目方
卷之二
物損真睛六十三

物傷何最險風水氣三輪黃白兩般色淺深一樣痕血
亡先益氣神倦且安魂已破加沉陷湯丸免入唇

此泛言目忽被金被木打傷跌傷迫在輪廓之甚者
初患必赤腫痛澀急進收睛散黑神散稍瘥始見傷
痕或黃或白白者害遲黃者速而險有赤障頭疼症
必變再用紫泥金看効否發本科藥對病調變準愈
其爲細尖之物所觸淺小可治若傷大而深及內損
神膏外破神珠者縱然急治免得枯凸明終喪兩嗟
嗟千金之子坐不垂堂知命者不立乎岩墻之下書

不云乎。彼眞。臍物損。非金也。木也。人也。葬。夫形也。葬。
我爲治。抑亦逆天行道者乎。

飛塵眯目六十四

大道匪荆棘。風起沙塵競。眯目不能行。淚障初爾並。安得松滋侯。一洗羣羣靖。

此蓋風吹沙土遊絲。偶然撞入目中。而淚出不止。痛澀難開。又一種毒蟲。名金蠶。吐絲網竹樹間。俱觸而不卽出。眼必腫腫。極不消。神珠潛裂耳。其實總易脫。只濃磨好。用新羊毫筆。塗入目中。少閉。仍用筆拭出。不出。磨人指。用與竹鼠齒和墨。再塗。無不出者。出則痛患頓消。然服藥俱不必。奈人不知此。且擦且吹。致氣血凝滯。淚乾而物著上。瞼不動。釀成大禍。甚有

不可救者。噫。

竹鼠一名土豚。毛色蒼碧。身肥大而足短小。食笋根。樵人常於竹山挖獲其齒。上下四個。長八分。生取下備用。

顏川一鹵子。秋成時沿溪撲草。蝨飼雀。憐拂一物於目。驗率脹起。本里有眼醫。二一日暑風。一日中蠱毒。爾散我丸。既汗。載下。驗愈。腫消。尤痛不能耐。無已。延余心知飛壓。昧口拭未出。爾翻胞見穀。大一顆。迴圍血。赤。錐落視之。真穀也。哄堂一笑。厥病如失。然穀有芒刺。不受塵埃。半點侵之。青睛何當刺。蔽三日。竟成。

氣驟嗟嗟醫者意也。乃無妄之疾。沿至大故。二醫之
意深矣哉。

驗廢六十五

衆人皆醒我獨醉。衆人皆醒我獨睡。詎知非睡亦非醒。目曉一交永。幽閉忽聞客自遠。方來手攀上臉向明開。願能開不能開。定睛看殺可憎才。

此症視目內如常。自覺亦無恙。只上下左右兩臉。日夜長閉而不能開。攀開而不能眨。理有不解。嘗見患者一行一動。以手拈起眼皮。方能視。針藥無效。以此傳老。愚意兩胞絲脈之間爲邪所中。血氣不相榮衛。麻木不仁。而作此狀。與風中肢體同出一轍。人謂除夾以外無治法。是或一道。有初生小兒。十數日不開。

眼者此由產母過食辛熱散其胎氣或本兒脾倦所致乳哺充足弗藥而愈然終始嬌怯不易成人若臉外背頭微現駝淚此脾肺虛而有濕痰以清空膏滴入目內更煎人參貝母麥冬雲紅夏枯草盡一小酒杯立開

風引喎斜六十六

六氣中人風獨酷最輕亦自傷口目喎斜對客實羞慚
便面好將絛扇覆

此症睛珠自然欹側而頸唇亦歪在一邊醫家皆呼
口眼喎斜。一日唇吻相連蓋風本濕土二氣爲厲本
藏柔虛故衛引渠。渠中中則血脈渙散。喎斜不遂。斜
而能正。正而復斜。喎而能合。合而復喎者。正容湯加
味地黃飲子。省風湯可治。若已定性不分久暫。醺態
終身矣。靈樞言足陽明之脈其病頰筋有寒則急引
頰移口熱則筋弛不能收。故僻僻者偏也。亦以真氣

爲邪所陷。上不得出。下不得泄。則偏引於一邊。左寒。右熱。偏於右。右寒。左熱。偏於左。法當灸地倉。承泣。不効。灸人迎。經曰。陷下則灸之。是也。一說謂濕淫所勝。偏於左。風淫所勝。偏於右。皆有微理。務宜參詳。倘任意從事。將不利於斯人。

睛凸六十七

怒氣併邪橫入肝。入肝筋脈早傷殘。通睛凸出不堪看。
風月素乾精血竭。睛筋數舉胃皮寒。一般爲禍請從寬。
日形類丸還類橘。下利著帶固動極。元虛筋弛忽逢邪。
揭帶長垂成怪疾。

此疝通睛突然凸出眶外。非魚睛因滯而慢慢脹高
者比。其故頗多有虛風。癢極掠出者。有爛醉狂嘔激
出者。有熱病開格脹出者。有暴怒吼哮掙出者。究竟
皆水衰精敗。脈絡焦脆。邪火亢害。內無從洩。則上走
空竅洩之不及。故漲湧而出。至打撲猝凸者。不在此

論凡出未全離眇而神色不變可乘熱捺人但筋脈
損動終是無光凸而猶含者易入光且不熄若懸空
如鈴膏液轉爲血肉不能收矣至乃不知不覺通睛
和盤托出長垂至鼻而不能收縮世謂之肝脹不知
此神魂將絕誤作肝脹持論勢必用疏風之藥落井
下石耳何以言之夫肝所以藏魂心所以凝神比人
元氣大虛則神魂顛倒所得之症皆奇又且肝主筋
心主脈神去魂失則筋脈散弛散弛之際邪自竅出
是以隨意直下病者驚心觀者駭目而醫者審手然
業已如斯雖未見慣事必恐用軟帛盛住好生安置

軀內令藥閉喉嚨坐前大補元湯調溫經益元散乘
熱呷之一面煨礞石淬醋對身熏蒸肝得濃厚酸氣
雖散合收俟微汗欲發開襟將冷泉水於胸前背心
不時噴之俾肌膚一撓脈絡一縮盡晝夜可定然後
適情順養或可僥萬一之倖。

東隣吳氏女夜窺繡鞋目忽不見初以爲燈落舉頭
覺有物在額間摸之乃睛也捉胸大慟家人驚呼余
亦起視時天嚴寒糸已僵院小碟置溫泉將睛滴養
片刻納入喉治以前法越月而痊然神光熹微妙語
莫能形容。

平生閱晴凸多矣。尚有奇蹟二種。經書不載。謹編附
症末。開發來學。一小兒右目甫病。金井隨散風。漸
大漸高。絕肖嵯峨陽死爲厲鬼殺賊之像。越一夕高
大如酒杯。直挺射二寸許。日夜叫哭。尋睛破。非膿似
血。疊請知名外科一籌。莫展。卒而斃命。一書生無因
無故。左目通睛。脹出大寸半。上圓硬。下微尖。而匾垂
長。幾與鼻齊。然能視不爽。繼復於大眥側。氣輪內。另
生毒物。硬如石。儼若皮膜。包着橄欖。將黑睛碍過一
邊。始昏眊作痛。畏光難耐。終焉渾睛。潰腐痛連頭腦。
不能食。臥坐起其勢亦必死。而後已。總二症。幻變無

風。風。風。火。酷。烈。晴。始。壞。未。有。一。患。卽。爆。凸。者。且。風。火。
合。在。心。肝。部。分。忽。災。及。脾。肺。金。論。無。因。下。垂。主。氣。脫。
却。腫。實。又。加。毒。結。此。脾。肺。火。亢。後。先。蘊。釀。應。傷。殘。右。
目。易。勝。左。眼。將。謂。斲。耗。直。睛。小。兒。元。無。知。識。將。謂。罪。
招。惡。報。書。生。有。甚。奸。回。顧。百。藥。不。對。坐。以。待。斃。嗟。夫。
天。道。之。微。渺。人。事。之。不。可。問。方。書。未。足。以。盡。信。也。有。
如。此。

疔翳六十八

一雙青白眼。無人實有釘。神醫拔不去。狂瞽足平生。
此症初得。身熱怕寒。突如赤腫大作。眉骨太陽痛楚。
逾常。生翳一顆。白色失治。其翳直釘入內。則混睛加。
障。赤絲環繞。晝夜不辨。目翳之奇惡者。因以疔名。蓋
血氣摧頽。木中春陽下陷。陰風上騰。所致。何以驗之。
身熱畏寒。暴發赤腫。非氣血摧頽耶。率爾生翳。便侵
入內。非春陽下陷耶。痛在眉骨太陽。非陰風上騰耶。
且陽陷火必鬱。故赤絲環繞。陰騰寒乃勝。則混睛加。
障。人如病此。但失明而不焦痛。亦算造化。

此症十有九不治。卽主人深信。亦必告明病之結果。立案存驗。庶無後話。用藥有二法。須詳診脈息。弦大而數。不妨大攻大寒。若濡小沉瀼。當先補元氣。氣王自然推邪而出。其疔漸小。再點磨之丹。無少差謬。疔落而風輪不破。否則不凹卽凸。學者其敬聽。毋忽。孔某氏婦。五月攜季子登眺。左日暴得茲證。至十一延余。已喪明四日矣。包頭挾纊。眠食大廢。診其脈浮大。微弦明。係元虛傷風。風厲變熱。遂用補中益氣。合加味道遙。日進二服。痛止神安。思得蔬食。復以歸脾。增附子防風。投之夾衣。脫去煩燥如失。最後凡點服

之藥無不應効。一日其疔忽墮狀如小小桶核剪之
不斷。目遂見物。未幾竟愈。或曰此婦撫孤守節操作
自給從無怨尤藥餌之功殆天玉一女於成也。雖然淑
慎姆師受天之祐庸或有之彼男兒狠心狗行臻上
壽而目若童年。卽間抱疾終老遇余治而遽痊者抑
又何為。

氣翳六十九

寶鏡晶瑩號照魔懸空誰把氣微呵願言此後珍藏好
免得昏朦費洗磨

此症目赤痛淚汨都可但青睛如濁烟籠罩色澤欲
死甚者若混鏡呵氣不能照人面目從側面視之始
隱隱微見金井其自視雖近能見物然亦何啻隔帛
竟其病源乃熱症寒藥交傷脂膜而又靳惜藥餌神
勞藏久不爲將息而致分明是外障而風輪光滑無
障可去故曰氣翳最不能治若暴病翳退似此者此
元氣未復不得與於斯論藥照案內增減十穩

表兄余兆文次子。年十六。長夏病風熱。赤腫。醫旣瘥。雙睛得氣。翳狀如死人目。怕看。兄親往南豐求治。余以祖母至戚。冒暑偕行。視症固怪。切脈亦亂。來問所喜所便。曰腹滿不思食。唯渴而需飲。小水多。問所見。曰晝猶夜。因悟醫藥過甚。邪雖去而藏氣大損。乃以附子理中湯加歸芪。傍晚復處左右。合歸方與服。翌日風輪下際如新月。清朗逾常。遂依此進藥。日開一線。恰計十五日全消。後又一人暴得氣障。發手畫以補中益氣湯。夜八味。地黃丸遞投十數日亦好。○眼科無此症。亦未必用此藥。學者觸類而長。庶幾心得。余

暴盲七十

銀海雙涵照夜珠等閉。論張漫驚疑。匪神作祟。妖爲厲。實氣滯。推血暫離。患者衆。去其稀。多愁善病。不須醫。邯鄲家破黃梁熟。說與純陽亦皺眉。

此症謂平素別無他病。外不傷輪廓。而內弗損瞳神。倏然盲而不見也。其故有三。曰陰孤。曰陽塞。曰神離。傷陽者多。六慾傷陰者多。七情傷神者兼情慾而有之。有少年知識未開。老來世事已休。忽得此症。不在三者之列。蓋開格之病也。開格者何。乃陽脈不和。氣留在府。則陽氣太盛。陰氣不得相榮於上。故曰開九。

外感是氣動邪從氣入而上竅不利者皆厥之類也
陰脈不和血留在藏則陰氣太盛陽氣不得相衛於
下故曰格凡雜病由血生邪從血出而下竅不利者
皆格之類也陰陽兩盛陰中無陽陽中無陰陰陽相
離則邪衝否塞氣血不相調運此藏府交受邪也故
曰開格總而言之非頭風寒火元虛水少之人不思
此能保養而藥治以時不日自愈否則成痼疾其症
最速而其人皆疑鬼神爲禍先巫後醫不知急治可
復緩則性定藥無用矣鬼神其何能爲僧道其何能
爲

是症暴逢男論爲陰爲陽爲神爲關格急煎獨參湯
數錢乘熱頓服然後裁定藥品十補勿一瀉或保無
事人問其理曰血者氣之守氣者血之衝相偶而不
相離者也故神安於其舍而目明今而暴育蓋氣先
中於邪氣既受邪必傳與血所謂氣病血亦病也再
一有失脫則氣爲孤陽有如烈火血爲獨陰幾等寒
水耳斯時有形之血不能速生幾微之氣所宜急顧
是用甘溫之參以固元氣所以權輕重於緩急經曰
血脫益氣陽生陰長此之謂也敢問其次曰歸芪六
二湯家貧無措將以塞責可矣若夫發矢中的微參

功誰與歸

血氣之屬。主蠢而笨者。莫如猪。僧道能致人捨身獻
產。而不能使猪屈膝受戒。豈猪能闢異端。特敬奉異
端者。蠢笨過於猪耳。信巫不信醫。及險惡若鼎。盲瞽
症。先符後藥。遲延不救。安得人書此數語于家。用昭
明訓。永杜此患。功德勝禮佛念經千萬。

偃月障七十一

遲遲偃月障。濯濯風輪着。漸漸掩暈神。薄薄人誰覺。腦有濕熱停。肝遭怒氣剝。莫待素花生。昏昏難立卓。

此症風氣輪交際。顯有障如偃月。薄薄蓋向下來。其色粉青。乃非內非外。似從白睛中滲出膏液者。初不覺漸及風輪之半。始現形。再則環風輪俱生。障上累障。狀類聚花。鋸齒。遂損光蓋。真陽衰憊。好動能勞。汗濕滲鬱。元首及飲食之人。酒膩果腹。寢興無常。混陽蒸變而成。由淺入深。不爲調變。逮至靈光頓失。雖輪誠求治。無能爲矣。有輪上輕微而輪下凝厚。曰偃月。症

神效例七十二

貓睛輪目人烏有翳眼方瞳世固稀。到是杏仁椒漿狀
不時瞥見未爲奇。

此症金井歪斜。有如杏仁、棗核、胡椒、半月等類。乃陽
明燥極傳導失職。未及運化水穀。以滋胆腎。致巽風
內動。神膏因而滑涸。涸則水輪無所憑依。勢必東倒
西傾。故作前狀。所謂破巢之下。焉有完卵者也。若夫
睛破膏流。徐徐而得者。必曾患蟹眼。蟹眼平瞳子。不
能復圓。輪外亦有跡膜。終身不脫。人目似此。見光不
治。猶治不見。治猶未治。

天旋七十三

天旋白眼過於黑。患者仍多容易識明。看東邊反顧西。
業已進門似欲出。人誰忤若若生嗔。若不傲人人疎惕。
小時了了未經師。長大無徒妨藥石。

此症通睛偏眇。白眼斜視。蓋乾磨下傾。幼時所患者
也。故曰天旋。其致非一。有襁褓中。目病風熱上攻。腦
筋急縮者。有驚風天吊。帶轉經絡。失於溫散者。有眼
於瞞下燈前。小兒望光既久。目系凝滯而偏者。有乳
母挽抱側乳。長夜不換手。卧側者。凡此急乘時治之。
若長成筋絡已定。氣血成性。不復愈矣。然無害於明。

卷之三
色不免猪頭羊眼之謂云

帝有一家父子兄弟皆如此眼。謂其前齋耶。則前爲
臆說。謂其痴情耶。曷相同若此。厥理殆不可解。

陰陽圖七十四

君火煎相火煎。火退風輪現。兩圈陰陽一樣圓。

心懸

得意懸懸。何日瞳神快朗然。披雲見九天。

此症黑睛上生二翳。一中虛。一中實。兩翳連環如陰陽之圖。故名。有白中畧帶焦黃。及細細赤脈絆住。而光滑深沉者。皆不能去。大約多為險症。翳退而現。尋其源流。耐心治之。或稍見効。又有兩目各留一翳。左右對照。謂之陰陽圈。尤為膚切。

水壺秋月七十五

不多宿翳。凌神水。儘而然。伶仃。秋江月明。玉壺永潔。一
般情致。觀光直恁留槐市。怎雙眸無濟。當前風物轉
頭陳跡。又將何以。

此症亦是宿翳。若隱若現。或片或點。留於風輪。色光
白而甚薄。看雖易消。其實不然。掩及瞳子者。微覺昏
而視短。蓋青睛有竅。淚的點。翳不到。不會補得元神。
俾水清。腎足。或浮雲暴症。內除未淨。而水硝過點。火
熱水冷。磅礴而成。玉質英英。晶光洞徹。余故有水壺
秋月之喻。須耐心歲月。堅攻稍退。但是症十有七分。

前。誰肯長年從事。且去翳之藥。越點越朦。肉嬌血
難。刺毒者必紅腫。備至。人見輒云。眼不醫不暗。其在
斯急罷手。有混睛障盡去。獨存一翳。潔白映人。本科
曰。孤星伴月。呼此名亦通。

凡宿翳不在厚薄。但見實而光滑。及如雪如粉。自透
風輪之背。巽廓之面。均謂之廢疾。不必言及醫藥。

虛潭呈月七十六

有翳圓如月。陰陽總一般。當堂珠上立。朗朗水中看。血
少神彌散。精虛氣不完。要將根底去。是必得仙方。

此症微翳。混蒙眸子。人雖不覺。自難耐其昏眊。名曰
虛潭呈月。蓋狀其光滑深沉。似無而實有也。凡一切
險惡外障。致目失明者。愈後必有此。既不能治。不必
究其始末。

俗本於此類。今出許多名色。而論與治法則同。可謂
真不憚煩。且幸是醫書。若作史記。恐筆墨價重連城。
豈限紙貴。

臨螺出殼七十七

夏侯死抱陰脂根阮子生成白眼貪那更有人驚世俗
石螺烹出換瞳神

此症乃神珠被頭風痰火所蒸色死而實絕似煮熟
田螺其凸與平陷亦如之故名往見世人患此初不
經意及症已成求醫之切有不遠千里而願為執鞭
者為之太息

劍橫秋水七十八

秋水澄澄露薄生。芒不動。劍光寒。瞳神此夜。戰何處。
掃盡妖氛子細看。

此症係物擊所現傷痕。色白。或帶焦黃。中央畧厚。兩
邊薄些。正中橫於青睛之上。故曰劍橫秋水。輕重不
一。重者雖露上下風輪。而瞳神被掩。視宜無見。輕者
終是被掩。視亦曖昧。縱有神丹止可稍減一二。倘月
以沉潛。傳輪廓低陷。或再加微絲組織。終身不瘳。又
有熱障閃爍。或點或膜。寒藥過投。一線剛風上逼。則
遺睛輪初不覺病。退中正白。翳聚者。有如針定羅盤。

喚此名亦似爲治蛟前尤難所謂長劍倚天外非具
拔山之力不能搖動

玉璫內傷七十九

此璫薄而實厚。形色渾如瑪瑙。雖有細紋。終無他色。隨其
蝕透。依舊依舊。藥石愈生。能令

此症風輪生翳。半掩神光。或佔白時。或際昏來。則能
睛不昏。乍看在外。細看則顯。然在內。漸而開缺。不
其色碧。或帶黃黑。或微紅。狀如瑪瑙之屬。蓋頭風痛
攻。宗斐則鼻津液。寒毒凝結所致。其至兩目俱有。并
水輪渾濁。而朱明青暗。或一二亦堪明。

青盲二十

青盲不似暴盲。奇暴盲來速。青盲遲。故怕龍璣神氣。又嫌清瘦。情血脫。與夫脾痿。胆不充。青囊外術。醫無功。吁。嗟乎。暴盲。日光閃爍。如飛電。日月星辰皆不見。吁。嗟乎。青盲。斯人有疾。誰知覺。孔子見之。未必作。

此症。目內外並無翳障。金井不大不小。嚴與常人一般。只自不見。初起視斜。視短。間有神膏。綠與水輪黃。色者。其因有二。一曰心腎不交。蓋心者。神所舍也。宜靜而安。腎者。精所藏也。宜固而秘。不安不固。是爲不交。不交則精神潛散。精散則銷陰。而視斜視短者。猶

下弦之月向晦也。神散則銷陽而視短。視短者猶若
花之燈未剔也。精神俱散。陰陽兩銷。則發衛開格。目
流渾如長夜矣。一曰甲巳不合。蓋甲爲胆。胆乃金相
水。傳澄之不清。燒之不潤。已爲脾。脾爲後天黃庭。諸
陰之首。萬物之母。土木合德。生生不已。甲巳不合。乙
戊先傷。肝傷則血不和。目不能辨五色。胃傷則五藏
失養。不能運轉。歸明於目。且胆寄王於肝。肝有賊邪。
胆汁自壞。故燥上炎而睛綠。脾食氣於胃。胃有壯火。
則脾散氣。故甲癸濕熱上蒸而睛黃。睛黃睛綠。甲巳
真色真色已現。真元素然。則元府出入之路。被邪遏

却不得發此靈明。目雖有若無矣。此二因者。究竟皆得於七情六慾。最不能治。有抱元守真。藥餌無時無筭。或稍痊可。如年形衰邁。性氣浮燥。治亦無濟。○開格者。百病之關鍵。解見暴盲。元府者。河間謂十二經皆有之。乃神氣出入升降之道路門戶也。元府熱。則閉塞不通。五官四末。有時不助。由是言之。青盲卽暴盲。經脈卽元府。開格卽閉塞。懸而似近。異而實同矣。○經脈卽元府。說的是。然余更有妙解。蓋經係手足三陰三陽之經脈。乃通五官四末之脈。元府則脈中流行。不含晝夜之氣血。譬諸花木。根幹經也。枝葉

脈也。雨露滋蔭，有如元府。根幹傷，則枝葉萎。枝葉傷，則花果落。一疋之理也。又如人放紙鳶，扶搖而上，直至霄漢，命脈在此一線，倏而風翻，不用乃線斷耳。人與紙鳶，兩不相妨，此症其近之。

五風變八十一

五風變症有五。色爲綠爲青爲黃黑。雷頭風結白於霜。明喪瞳神收不得。

此症乃火風痰疾烈交攻。頭目痛急。金井先散。然後神水隨其藏而現某色。本經謂之五風。如春山之籠淡烟者。青風也。若藍靛之合藤黃者。綠風也。黃風擬朝曦之照泥壁。黑風恰暮雨之暗柴門。惟雷頭風純白而已。五者皆目之大變故。又曰風變病至此地。救無路矣。小兒疳症痰症及瘧疫火痘目疼久閉熱熱蒸渾。皆能患此。幼稚無知。失明纔覺。亦不復治。如以

藥在而強仙之惑令監子笑人不識膏肓處也

已上十一症俱無治既無治立甚方常見市醫當有治易治却不能治辭治甚而治至不治遇難治無治偏許治不憚勞走治甚而贈藥包治原其弊乃學者亭書執泥而致何爲南人有言人而無恆不可以作巫醫蓋巫以交鬼神醫所審死生作於無恆心不守素業之徒神弗福而藥罔効故夫子善其言述以垂訓更引易不恆其德或承之羞咎人不玩占辭朱註雖云賤役尤不可以無常於全章意旨不相聯屬且賤役等犬馬有何恆德兼通經術聖人責以讀易

又周禮春官司巫掌羣巫之政令。春官不消說羣巫
緇賤而蒸祭。祓除不祥之際。所役樂社。太醫歷朝設
令。設院管草木。定方劑。出入皇宮。茂對天問。匪異人
任。賤役云乎哉。便是草野良師。春陽秋露。變理和鈞。
非官室朱門車馬恭迎不至。至則分庭抗禮。士大夫
莫敢傲慢。如其人曰。爲賤役。不知所謂。子夏曰。雖小
道。必有可觀者焉。此泛言一事之微。中有至理。隨時
自領。隨在有得。朱註切定農圃。歸卜夫農圃何道可
觀。大祗播種芸灌。觀其生發氣象耳。果爾。當日樊遲
請學。夫子易鄙而斥之。卜謂公兒。跌筭。水碗。售好。本

無天機有何妙理。若體易者。顯不惟泄造化之秘。使人不迷于悔吝吉凶。而開物成務。直爲道統文字之祖。至聖如孔子。載贊載讀。韋編三絕不休。是豈小道。醫書始於黃帝。內經理深辭奧。與大易殊途合轍。無論起死回生。延人祿命。卽金針一則。由一歲。甚至二十三十。或三十至五十六。十遵法施行。頃刻能視。試問何者。大道有此神應。有此恩澤。及人。顧晦翁不分上下優劣。一以醫學醫人。貶爲小道賤役。三復其言。覺農圃願諫之不若。後世業儒者。咸耻之。儒者旣耻。則供斯役。宜非賤。必愚而無耻者。故天下在處有名。

士而無名醫。眼固醫科之一。小而又小者也。有裴君
子。離其事事。是以古今所授受止於此。余性樂施予。
苦無財。思救時。恨無位。欲治醫活人。病藥未克全曉。
勉就人所不屑。人所不能。人所重要者。伐毛洗髓。曲
盡精微。筆乘成書。復按書治人。無不驗。乃謀付梓。學
者然吾言而樂吾道。請除去經生固陋。潛心靜讀。十
得五六。終身享用不盡。校寄人籬下。受其鉗制。及坐
破青毡。不得稍行厥志。相去何啻天淵。

有治不能治。易治治至不治。眼見多多。附一案於症
末。可想其餘。潘景雲嘗客荆楚。因天行赤熱。治出右

偏風又以偏風治成蟹睛。蟹睛認作黑泡。以針刺破。痛牽腦戶。幸兩臉腫滿。神膏流出無多。買舟還詣余。治愈明年。黎俗中元賽神。潘素嫻笙歌。晝夜縱遊。忽惡心發熱。走語子乙學人子乙老醫也。且厚潘。卽寓中煎四逆湯加黃連與服。有頃冷於水。改用麻黃附子細辛湯。向患甘欬腫。經宿宛如覆杯。迎視十餘輩。皆驚却。余至仍力辭。蓋病實形羸。彌留欲絕。無從入境。尊人執余手泣曰。是兒已辦後事。但眇而不死。拜德多矣。苦思良方。日得之。遂以瓜蒂散灌而探吐。出穢汁升許。始能言。云胸膈眉目若燒若炙。急行通利。

及開導法。陽回脈續。徐徐養陰。清燥。越月竟瘥。治傷
傷爲余壽。予乙亦與席曰。虧先生胆大。得藥此。嗟夫。
理隨心見。幾兆其朕。景雲湧情聲色。精神不免銷耗。
故大暑難耐。傷氣妨脾。食不化而蘊熱。惡心不吐下。
奪其藥阻。徒以脈遲爲寒。熱劑理中。既藥而反厥。明
係火極似水。又以寒在少陰。謬施溫散。幾使辟雍弟
子遊學。慕感頌。滑稽佻達。以譴解慚。由君子觀之。斯
人之道行宜繁。人士美丰姿者。不祇眇與瞽之所以
多也。

無治。說易治。包藥求治。仍不可僕。數始案一二。以微

後學之妄而無耻且預防小人藉以進身爲盜而其
可究問者邵武吳見智起家刑書年五旬只六齡一
子患傷寒眼並非非痘大劑爲城中諸生藥醫藥治
至雙盲時余在將樂朱宅具親往求視睛已凸但睛
尚浮嫩可刀藥平施俟睡熟試畧錐剔果零星碎下
幾星如盧瑱執燭捧臉者咸驚喜以爲有治放寬心
調理至四十餘日能知五色見人影居無何有光澤
人字松圃者踵門自薦吳呼兒出審視良久晒曰是
疾緊我爲政只十二日明矣黃某號作家奏効極如
此其難耶今來無別費不欲遽享人浪得虛名而財

難世界。先生一惜其重費也。其奇其言。席內廳下。
楊余聞辭往建陽。渠亦不留嗣是日索銀市藥以恠。
復招余對使焚其札而不閱。惟草一詩。囑實粘於座。
右以爲行斯道及信百醫而輕忽名醫者勸。

樵川古昭武。文名甲上府。博學兼通醫。耳熟而罕覩。
片暇有專家。城中廿四五。鍼刀弗師。今方藥徒執古。
彼此倘和衷。奚玉錯。玖補嗟嗟好兒郎。四山恠雙瞽。
乃翁素知恩。枉駕迎江岸。愧慰無能爲。藥精良自苦。
某氏光澤來。冠服亦楚楚。大言十二日。鬚髮若能數。
舉家喜欲狂。另居防間阻。伯示奚囊空。丹江缺子母。

厥術。體而疎。陰人。燭肺腑。健其。晝不開。云。留失處所。
傳聞。作。知。章。邪。歟。歌。且。舞。歌。曰。氓之。出。出。喚。松。園。藝。
道。遠。近。感。呪。詛。佛。心。神。手。黃。不。座。化。薄。重。離。絕。儕。伍。
大江。以。西。走。幾。徧。八。閩。本。藉。誰。予。侮。君。不。見。遲。斤。成。
風。都。料。匠。莫。敢。班。門。弄。花。斧。又。不。見。漁。陽。慘。撾。禰。正。
平。迅。雷。色。雲。罷。浮。鼓。松。乎。松。乎。非。稚。魯。妙。喻。啟。延。毋。
氣。纔。初。生。憤。子。吼。高。岡。不。畏。南。山。白。額。虎。
橫。村。童。氏。子。某。友。人。包。廨。且。壻。也。於。大。街。發。見。雜。貨。
兩。目。無。故。短。頤。斜。睇。則。如。常。托。婦。翁。邀。余。治。曰。此。初。
起。青。盲。乘。未。成。症。而。藥。之。無。害。只。酒。與。餅。生。活。宜。謝。

手。蓋爐火階坊。氣怯火壯之人。當不得日夜蒸薰。重
領之。百務交割弟姪。已惟運籌調劑而已。乃處方教
依次煎服。未幾漸愈。理肆中事如初。明春杪。目暴發。
日甚。一日余遠出。逮五月回。延視醫矣。適有負藥者。
過市。云邵武人專治眼科。使看童曰。是症人皆謂青
光。實元陽衰。水火爭相激射。幸遇吾。不然恐爲廢疾。
屏且述其言。決於余。曰。我愧不能醫。寧禁人勿藥耶。
包固老倒。代議銀十兩。全好。始交醫。諾謝。因往贈咀
片。合散。竟與余所謂無異。由是宿宿信信。局中人
不無疑忌。八月十九。中夜潛啟門出。主問爲誰。應是

我大月往外走動耳。雞既鳴不返。驚起燃火燭箱。見鎖開。所有銀廿餘。一望查錢去一千。及所寢被帳。喚人四路追尋。踪跡無有。最後有人言。是賊借求病。看爲名。常在市井撈摸。眼見黃先生論症用藥。默識不忘。故大胆包醫。賈且翁壻。遂以爲學有根柢。承奉恐後。然不虞有是舉。賊是小人。智過君子。非虛語也。吁。大奸似忠。大惡偏和。凡一切面生可疑之人。樂爲啓用。始受微利。終償其害。百十倍不止。讀斯樂謔。謂持家卽有民社之任。引而伸之。小可以喻大。

似因非症。

怕熱羞明

目開羞淫極。俛首復低眉。向日誠然也。當爐亦有之心。
肝脾上執風火。血中推病退。猶如此。斯為榮衛虧。

此目於明亮之處。則痛淫畏避。而不能開。凡病初得。
勢頗重。皆如是。常有月夜不篝燈。落日閉戶牖。猶不
敢稍視者。病原在手少陰。足太陰厥陰三經。總而言
之。不過氣盛血熱邪在陽分。九陽侮陰。得寒而解。曾
夏日當午。人望而畏。更與火灶相近。就能耐其炎酷。
是以陰黑空曠之所。則清爽然。又有一說。暴發而怕。

無爲有餘。蓋明與人思爲不足。若不痛無淚而致乃
血虛。血虛則胆汁必少。而腎氣亦弱。所謂真元敗厥。
目喜垂閉。能運精華以敵陽光。治法禁病如青丸。
人思滋陰地黃丸。不痛無淚。平氣和衷。湯倘兼有他
症。須對症候脈再思而後處方。卽不立效。皆地斷無
人私議。

乾涸昏花

如浪如花觀自在。且乾且涸愁無奈。皆因陰奪不俾陽。精神備有液。轉恐瞳人生障礙。

此目開閉總不自然。而視亦昏渺。多因勞瞻過度。就酒慾慾。火熱傷神水而致。猶夏夜燃蚊香。从坐及睡。瞋目一時涸痛不堪。得淚乃活。可見水少熱炙之。故若不戒謹保養。必變枯瘁。不則色澤不潤。細細赤脈縈繞。生淚與淚。終其世無寧日。治宜駐景丸。還少丹。滋源培木人參固本丸。金水六君煎。畧帶却邪所。謂本立則清氣自和。邪去而源泉隨化。醫作火症妄。

施攻散○會有集縮欬側之患○

此目十人有五相似豈肉食之爽口耶抑尤物之移情耶務宜痛自樽節○以保神光○或曰見酒色而遠之要眼何用可謂善戲謔兮不爲虐兮

目痛

倏爾青睛痛渾如刺着膚。下虛上則實。裏急外多疎。寒熱時來去。風痰乍有無。認真陰分病。主治不模糊。

此症病勢已衰。黑睛驟然痛如針亂刺也。夫黑睛痛。屬火明。係水不足。而火有餘。第藏府既平。奈何復見厥象。蓋其人不善調養。或更勞力役精。致水下火。上水火未濟。邪氣搏擊。若瘡毒鼓脹之意。其證候必來變者。書曰。病加於小愈。禍生於怠惰。是之謂也。醫宜懷本。窮因。量進養心湯。全真散。人參補胃湯。務使痛疎或止。庶免坐而失事。有目未病。忽在此在彼。如

針如灸乃夏令失序流火爲殃須記其始自何輪今
止某廟可知將犯其經體虛視勞兼染淋濁之病榮
氣不上潮於睛多有患者又目先得前證繼而赤淚
頭疼寒熱交作或旋去旋來如風寒瘧疾狀多屬榮
衛虛損膜理不密外邪邀動風痰治法一體橘皮竹
茹湯金匱腎氣湯清其金而降其火逍遙散五苓散
疏其風而利其水則得之矣

目癢

由來痒病果何爲。爲火爲風爲血虧。有病如痒痒愈甚。痒而無病病遲遲。點服盡情無治法。請投絕境覓仙醫。此目癢非常比。乃如毒蟲行走身上。令人戰慄幾不敢搔撥者。其故非一。有風邪之癢。有火邪之癢。有邪退火息氣血得行。脈絡通暢而癢。有抱病之目。久不治而癢。癢一番則病重一番。總之治後而癢。病必去速無故而癢。病來定險。若癢難禁。時時頻作。目覺低陷。及癢極揩擦而目脫出者。雖不延矣。淚多者。血虛生火。須點目內有無形。難以治。其病之進退如無形。

可駭。只癢難忍耐。暫點飛熊丹。不忌瘡。瘡火再不住。
須端詳。切脈用藥。如茫浮泣。出此風邪。治以香蘇散。
芳蘇飲。脈數而微。托茶調疏肝散。因嗜酒而致者。葛
花解酲湯。若沉遲濡小。須大補大熱。否則必犯手謬。
云。白日着鬼祟。平路跌村人。此之謂也。師症須矜慎。
毋忽。

視惑

今日預愁明日一年營計百年頭皮斷送有誰憐落得
昏花點見風月青樓佳處膏腴烟火神仙式歌且舞
興豪然不似水論奇變

此世人看無病但自視物色顛倒紊亂失却本來面
目如視正爲邪視定爲動赤爲白小爲大一爲二之
無損厥由來蓋人一藏一府有真陰真陽一風真精
真氣百骸滋其培源雙睛賴以神明除不得已之事
有所煩擾與夫藏氣加臨莫能禁禦務宜恆自珍惜
毋使稍有枉損倘放逸其心逆於生樂以精神狗智

巧以憂慮徇得失。以勞苦徇財利。以身世徇情欲。種種行藏。皆能斷喪真元。真元喪則藏府不和。而神則失中。因人之形氣。以呈病狀。是故怒氣填胸。正氣避位。而邪勝於一邊。或飲食充胃。過其隧道。藏氣不得發越。則視正爲邪。素有頭疾。客感風氣。風痰相薄。上干空竅。或陰虛寒戰。牽引目系。而陽光散亂。隨海不寧。則視定若動。左右者。陰陽之道路也。並行而不相悖。一有差錯。岐境轉多。視小爲大。視一有二。藏氣精明所稟。五色其徵兆耳。火水未濟。陰陽失其守使。則氣乖而眩。視赤爲白。視黑爲赤。然此都無大患。但清

明在躬。瞽子安可。有此萬一。轉雙爲常。則妄見內障。
不旋踵而至耳。治法。十味益腎煎。瑞竹四神丸。滋陰
地黃丸。因血亡昏惑者。豈飲歸脾湯。夜吞都氣益陰
丸。此而不應。當集思廣謀。該渠僕所樂所苦所好惡。
併脈息形體。就前方增刪。或補陣另選。所謂自具爐
錘。鑄古今。兩情未有不合。

凡病藥合式。却不應手。必有不合式處。億度未及須。
如斯症。設想集隘。未能直指。唯茲學者。觸類而比。

妄見

一抹微霞照眼明。飛蠅舞蝶趁新晴。何來旗旆開還捲。
不盡絲環滅復生。把酒看蛇先在盞。瞻天螢火亂搖星。
妖氛如此因何致。水落風騰火上升。

此目亦無外症。然無中生。有如遊絲結髮。飛蠅舞蝶。
蛇旗繚環等物之狀。色或青黑粉白。微黃。看眼外
空中。飛揚搖亂。倏滅倏生。仰視則上。俯視則下。本科
謂雲霧核睛者是。乃酒色財氣男兒。與亡血過多。悲
泣思念之婦。如情既留連。欲無寧止。加以被風冒日。
不慎寒暑。勞筋餓膚。極力役作。真陰元陽。隨敗殆盡。

致臟腑空虛。空生風。則邪從風走。而精散。虛生火。則
爽。因火結而形成。故妄見物色如前。急製既濟丸。還
時。夜光丸。早晚兼進。或晝調全真散。夜煎全真一氣
湯。日月不輟。服見漸小。漸除。倘吝錢惜費。而又近酒
觀花。不善顧養。則痰也。風也。火也。都歸胆腎二部。胆
既受病。而津液無歸。則不能升。通精華以滋化源。則
精明之集。九府不用。縱目受清純水穀之氣。未必復
其天性。歲深日久。神水遂凝。而爲翳。隱隱障於輪內。
以內障。諸水池雲澗清。則清矣。使無滯流。以沃之。
則渾而翳生。勢與理所必然。龍木謂腦脂流下作翳。

非也。大凡病到內障雖擅八法神針可治者十有四
五不可治者十有六七。所謂藥能治假病針不起殘
病其見如螢如燈如電過霞光消失明多在青盲風
變之例。卽幸而成障針之未必愜意。若久立久視一
時昏花及鞠躬拾物踣踞俟人起來頭眩眼花螢星
炯炯甚而瞋黑少停始異亦情欲銷耗精氣故稍煩
勞則水火不交而神光搖動年形雖壯厥目菁華漸
減仍服上藥不則八味丸加減八味丸尤爲切當。

電光夜照

黑夜無風雨。電光何自得。驕陽越命門。神珠顯靈魄。攤書章句分。隔座人面識。莫快日重輝。青盲犯在即。

此目於夜間無燈無月。若電光閃爍。倏然見物交睫。則一片白光橫於眼外。通宵不輟。甚而白光中恍惚能見指動。先輩謂之神光自現。蓋人稟賦素弱。好動而有內癖。極勞飽慾。精血大損。一縷不絕。血陽未能。攝養陰水。反隨邪上走。故得是病。急宜大補元煎。送加減八味丸。或駐景丸。煩燥不寧。暫投養心丹一二服。使無根之火降而歸經。自然神光內蘊。英華不致。

上系方

卷之五

飛越庶免青盲風變之禍

目暈

乖氣飮魚上眼中。舉頭見月暈如虹。其言月色天象事。燈火因何並亦同。

此且別無甚病。但見燈視片及隙漏之處。則有碗大一圈。環影睛外。其色內而紅而外紫。終絕似日華月暈。故曰目暈。大意本與不能解。水火相射。則乖戾之氣激而上浮。故能無中生有。譬諸日與雨交。倏然成虹。其象亦紅綠相間。朱晦翁謂虹爲天地淫氣。又曰虹見則雨止。非水衰火盛。陰陽乖戾之徵乎。凡人勞極久視。疲眼強起。便有此弊。可覺而不可常須四

君合補水寧神湯立愈。或平氣和衷湯進一二劑亦
妙。若以恙小而忽之。併不加培養。喪明之前驅也。語
曰。毫末不札。將尋斧柯。慎之哉。

補水寧神湯附補陣第十二加減八味丸方論內